



KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

4 OGOS 2022 (KHAMIS)



KERATAN AKHBAR DAN MEDIA ONLINE (KPDNHEP)

4 OGOS 2022 (KHAMIS)



Garis Panduan Industri Kecantikan 2013 ditambah baik

Kuala Lumpur: Kementerian Perdagangan Dalam Negeri dan Hal Ehwal Pengguna (KPDNHEP) sedang menyemak semula dan membuat penambahbaikan terhadap Garis Panduan Industri Kecantikan yang dikeluarkan pada 2013.

Timbalan Menteri Perdagangan Dalam Negeri dan Hal Ehwal Pengguna Datuk Rosol Wahid berkata, beberapa sesi libat urus bersama pemain industri dan Kementerian Kesihatan (KKM) termasuklah *Association of International Certified Aestheticians (AICA)* telah diadakan bagi penambahbaikan itu.

"Cadangan penambahbai-

kan Garis Panduan Industri Kecantikan ini adalah selaras dengan peranan KPDNHEP sebagai kementerian yang bertanggungjawab terhadap industri yang tidak dikawal selia, untuk meningkatkan pembangunan industri kecantikan di negara ini berdasarkan kepada peraturan dan perundangan sedia ada," katanya pada sesi soal jawab di Dewan Rakyat, semalam.

Beliau menjawab soalan **Datuk Seri Madius Tangau (Upko-Tuaran)** sekiranya kementerian berkenaan bercadang mengiktiraf AICA untuk kawal selia sendiri industri kecantikan di negara ini.

Rosol berkata, KPDNHEP

mengalukan sebarang cadangan penambahbaikan dan ia akan diperhalusi pihak kementerian itu secara menyeluruh menerusi penglibatan sesi libat urus dengan KKM, Jabatan Tenaga Kerja, pertubuhan bukan kerajaan (NGO) dan pemain industri dalam usaha memastikan industri kecantikan dapat berkembang pesat selari dengan perkembangan di peringkat global.

Pada masa sama, Rosol berkata, kementerian itu turut menggalakkan industri kecantikan untuk berkembang ke arah kawal selia sendiri selaras dengan Pelan Hala Tuju KPDNHEP 2022-2025.

KPDNHEP bakal kawal selia industri rawatan kosmetik

KUALA LUMPUR – Kementerian Perdagangan Dalam Negeri dan Hal Ehwal Pengguna (KPDNHEP) dalam tindakan menyemak semula Garis Panduan Industri Kecantikan yang dikeluarkan pada 2013.

Timbalan Menteri, Datuk Rosol Wahid berkata, langkah itu bagi memastikan apa yang ditawarkan pihak industri kecantikan kepada pengguna adalah benar, selamat dan mampu ditunaikan.

"Oleh kerana ia tidak dikawal

selia, banyak aduan kita terima daripada pengguna. Sebagai contoh terdapat kes syarikat berjanji tumbuhkan rambut tetapi selepas rawatan tidak berjaya.

"Sebagai contoh rawatan invasif seperti penggunaan laser, botox dan sebagainya. Bahyak kes hendak besarkan payu dara akhirnya kesannya amat berbahaya kepada pengguna.

"Sebab itu kita bergerak ke arah untuk pastikan ia dikawal selia bagi beri jaminan kepada

pengguna dan dalam masa sama tidak jejakkan industri yang cukup pesat ini," katanya pada sidang Dewan Rakyat semalam.

Beliau menjawab soalan Datuk Seri Panglima Madius Tangau (**UPKO-Tuaran**) adakah KPDNHEP bercadang untuk mengiktiraf Persatuan Pakar Estetik Bertauliah Antarabangsa (AICA) mengawal selia sendiri industri kecantikan di negara ini.

Terdahulu, Rosol berkata, KPDNHEP mengadakan beberapa

sesi libat urus dengan pemain-pemain industri dan Kementerian Kesihatan (KKM) serta AICA.

Menurutnya, cadangan penambahbaikan Garis Panduan Industri Kecantikan selaras dengan peranan KPDNHEP sebagai kementerian yang bertanggungjawab terhadap industri yang tidak dikawal selia.

Jelas beliau, KPDNHEP juga menggalakkan industri kecantikan untuk berkembang ke arah *self-regulate* selaras dengan

Pelan Hala Tuju KPDNHEP 2022-2025.

Bagaimanapun, kata beliau, industri kecantikan melibatkan prosedur atau aktiviti berkaitan dengan keselamatan pengguna seperti rawatan invasif dan bukan invasif.

"Kementerian akan mengadakan perbincangan lanjut bersama KKM untuk memastikan kaedah yang terbaik dalam mengawal selia industri kecantikan ini," katanya.

Rancang kawal selia industri kecantikan

KUALA LUMPUR - Kementerian Perdagangan Dalam Negeri dan Hal Ehwal Pengguna (KPDNHEP) sedang merancang untuk mengawal selia industri kecantikan di negara ini bagi memastikan pengguna terbela dan perniagaan terbabit tidak terjejas.

Timbalan Menteri, Datuk Rosol Wahid berkata, ini disebabkan tuntutan berkaitan estetik adalah tuntutan kelima tertinggi di Tribunal Tuntutan Pengguna Malaysia (TTPM).

"Sehingga 2022, kita sudah menerima sebanyak 661 kes berkaitan hal-hal kecantikan atau estetik ini," katanya di Dewan Rakyat pada Rabu.

Beauty industry guidelines under review

KUALA LUMPUR: The Domestic Trade and Consumer Affairs Ministry is reviewing and making improvements to the Beauty Industry Guidelines issued in 2013, the Dewan Rakyat was told yesterday.

Deputy Domestic Trade and Consumer Affairs Minister Datuk Rosol Wahid said several engagement sessions had been held with industry players and the Health Ministry, including the Association of International Certified Aesthetician (AICA).

He said the review of the guidelines is in line with the ministry's responsibility to prevent unregulated activities and to boost the beauty industry's development based on existing regulations and legislation.

He was replying to a question from Datuk Seri Madius Tangau (Upko-Tuaran), on whether the ministry would recognise AICA as a self-regulatory body for the beauty industry in the country.

Rosol said the ministry welcomes suggestions for improvements, which will then be thoroughly refined through engagement sessions with the Health Ministry, Department of Labour, industry players and non-governmental organisations, to ensure that the beauty industry can grow rapidly in line with its global development.

He added that the ministry also encouraged the beauty industry to move towards self-regulation in line with the ministry's Roadmap 2022-2025.

"Since the beauty industry involves procedures or activities related to consumer safety such as invasive and non-invasive treatments, the ministry has and will hold further discussions with the Health Ministry and related bodies to find the best method to regulate the beauty industry."

He said to date the ministry had recorded 661 cases pertaining to beauty and aesthetic matters.

- Bernama



Timbalan Pengarah KPDNHEP Pahang, Muhammad Radzi Johari (kanan) menunjukkan tangki minyak diesel dalam sebuah lori di Kuantan. (Foto Asrol Awang/BH)

2 ditahan cubaan seleweng diesel di stesen minyak

Penahanan lori bongkar penemuan lapan tangki yang diubah suai

Oleh Asrol Awang
ahnews@bh.com.my

Kuantan: Dua lelaki ditahan bersama sebuah lori muatan tujuh an kerana dipercayai terbabit dalam kegiatan penyelewengan minyak diesel di sebuah stesen minyak di Indera Mahkota, di sini, kelmarin.

Pengarah Kementerian Perdagangan Dalam Negeri dan Hal Ehwal Pengguna (KPDNHEP) Pa-

hang, Datuk Mark Ujin, berkata mereka yang berumur 21 dan 51 ditahan ketika mengisi minyak diesel di stesen terbabit pada jam 9.30 pagi.

Katanya, penahanan lori terbabit membongkar kepada penemuan lapan tangki berkapasiti 1,000 liter setiap tangki yang diubah suai.

"Ketika ditahan, dianggarkan 1,000 liter sudah diisi ke dalam tangki terbabit.

Pindah diesel ke tangki

"Turut ditemukan sebuah pam minyak yang digunakan untuk memindahkan diesel dari stesen minyak ke tangki terbabit.

"Siasatan awal mendapati bekalan diesel itu akan dibawa keluar dari negeri ini. Bagaimanapun, siasatan lanjut masih diteruskan," katanya pada sidang media di pejabat KPDNHEP Pa-

hang, di sini, semalam.

Beliau berkata, pemandu dan kelindan lori terbabit ditahan bagi membantu siasatan kerana disyaki melakukan kesalahan mengikut Peraturan 18 (1), PPKB (pindaan) 2021 Akta Kawalan Bekalan 1961, mana-mana orang yang menjalankan apa-apa perdagangan atau perniagaan menggunakan atau mengambil mana-mana barang berjadual (bahan api diesel melebihi 20 liter).

"Nilai sitaan dianggarkan termasuk diesel itu berjumlah RM59,000.

"Pemilik boleh didenda sehingga RM1 juta bagi individu atau penjarra tidak melebihi tiga tahun atau kedua-duanya sekali.

"KPDNHEP Pahang memandang serius isu penyelewengan barangan bersubsidi khususnya petrol dan diesel," katanya.

Cubaan seleweng 1,000 liter diesel gagal

Kuantan: Dua lelaki ditahan bersama sebuah lori muatan tujuh tan kerana dipercayai terbabit dalam kegiatan penyelewengan minyak diesel di sebuah stesen minyak di Indera Mahkota, di sini, kelmarin.

Pengarah Kementerian Perdagangan Dalam Negeri dan Hal Ehwal Pengguna (KPDNHEP) Pahang Datuk Mark Ujin, berkata mereka yang berumur 21 dan 51 ditahan ketika mengisi minyak diesel di stesen berkenaan pada jam 9.30 pagi.

Katanya, penahanan lori

RM59K

Anggaran nilai rampasan diesel dan sitaan

itu membongkar kepada penemuan lapan tangki berkapasiti 1,000 liter setiap tangki yang diubahsuai.

"Ketika ditahan, dianggarkan 1,000 liter sudah diisi ke dalam tangki terbabit.

"Turut ditemukan ialah

sebuah pam minyak yang digunakan untuk tujuan memindahkan diesel dari stesen minyak ke tangki terbabit.

"Siasatan awal mendapati bekalan diesel itu akan dibawa keluar dari negeri ini. Bagaimanapun, siasatan lanjut masih diteruskan," katanya pada sidang media di pejabat KPDNHEP Pahang, di sini, semalam.

Beliau berkata, pemandu dan kelindan lori terbabit ditahan bagi membantu siasatan kerana disyaki melakukan kesalahan mengi-

kut Peraturan 18 (1), PPKB (pindaan) 2021 Akta Kawalan Bekalan 1961, mana-mana orang yang menjalankan apa-apa perdagangan atau perniagaan menggunakan atau mengambil mana-mana barang berjadual (bahan api diesel melebihi 20 liter).

"Nilai sitaan dianggarkan termasuk diesel itu berjumlah RM59,000.

"Pemilik boleh didenda sehingga RM1 juta bagi individu atau penjarat tidak melebihi tiga tahun atau kedua-duanya sekali," katanya.

MUHAMMAD Radzi (kanan) memeriksa tangki minyak diesel dalam sebuah lori di Kuantan.



Stesen minyak jual bahan api kepada lori-lori pasir sebelum sorok dalam tangki

Komplot seleweng diesel bersubsidi

Oleh MOHD. YUNUS YAKKUB

SHAH ALAM - Kementerian Perdagangan Dalam Negeri dan Hal Ehwal Pengguna (KPDNHEP) Selangor berjaya membongkar komplot penyelewengan diesel subsidi melibatkan syarikat perlombongan dan stesen minyak dalam tiga serbuan berasingan di Bestari Jaya dan Kuala Selangor dekat sini baru-baru ini.

Operasi bersepadu bermula 28 Julai lalu bersama Suruhanjaya Pencegahan Rasuah Malaysia (SPRM) Selangor itu turut merampas lebih 30,000 liter bahan api dengan nilai keseluruhan RM162,500.

Ketua Pengarah Penguat Kuasa KPDNHEP, Azman Adam berkata, berdasarkan serbuan dan pemeriksaan, pihaknya percaya wujud elemen urus niaga jual beli minyak diesel antara stesen minyak dan pemandu lori-lori pasir dari syarikat perlombongan berkenaan.



Turut ditahan adalah penyelia atau penjaga kawasan lombong pasir tersebut."

Katanya, minyak diesel yang dibeli oleh lori-lori pasir tersebut akan dibawa dan disimpan di dalam skid tank di kawasan lombong pasir di Jalan Rawang, Bestari Jaya.

"Semasa serbuan pertama di kawasan lombong pasir, kita berjaya menahan dua pemandu lori termasuk seorang warga Indonesia yang masing-masing dipercayai melakukan pengisian minyak diesel ke dalam skid tank yang berada di atas lori masing-masing.

"Turut ditahan adalah penyelia atau penjaga kawasan lombong pasir tersebut," kata-

nya dalam kenyataan di sini semalam.


Kata beliau, anggaran jumlah diesel yang disita di kawasan perlombongan tersebut adalah 20,400 liter.

Tambahnya, dua buah lori jenis treler, tiga unit skid tank dan resit pembelian minyak diesel turut disita.

"Kita kemudiannya menyerbu stesen minyak yang terlibat dan menyita resit-resit jualan minyak diesel dan dokumen berkaitan untuk siasatan lanjut.

"Sehari kemudian, pasukan serbuan telah ke sebuah premis tanpa nombor di kawasan lombong terletak di Bestari Jaya dan menyita dua unit skid tank disyaki berisi minyak diesel dengan anggaran jumlah 15,000 liter kesemuanya," jelasnya.

Azman menegaskan, kes kini disiasat mengikut Seksyen 20 (1), Subseksyen 7 (4), Seksyen 21 serta Peraturan 12 A mengikut Akta Kawalan Barangan 1961.



AKTIVITI penyelewengan diesel bersubsidi yang berjaya dibongkar KPDNHEP di kawasan lombong pasir di Bestari Jaya baru-baru ini.

Pemandu ubah suai lori untuk 'songlap' bahan api



PENGUAT kuasa KPDNHEP memeriksa tangki yang diubah suai dalam sebuah lori untuk aktiviti penyelewengan diesel di sebuah stesen minyak di Indera Mahkota, Kuantan kelmarin.

KUANTAN – Kementerian Perdagangan Dalam Negeri dan Hal Ehwal Pengguna (KPDNHEP) Pahang menahan seorang pemandu lori dan seorang kelindan selepas dipercayai terlibat dalam sindiket penyelewengan diesel di Indera Mahkota di sini kelmarin.

Suspek berusia 51 dan 21 tahun itu ditahan di Stesen Minyak Petronas, Indera Mahkota di sini dalam satu serbuan oleh KPDNHEP Pahang.

Pengarah KPDNHEP Pahang, Datuk Mark Ujin berkata, tangkapan itu membawa kepada penemuan lapan buah tangki pe- tak yang diubah suai dalam lori

muatan tujuh tan dengan setiap tangki berkapasiti 1,000 liter.

"Turut ditemui di tempat kejadian adalah sebuah pam minyak yang digunakan bagi tujuan memindahkan diesel daripada stesen minyak ke 'square tank' berkenaan.

"Kedua-kedua lelaki berkenaan ditahan bagi membantu siasatan kerana disyaki telah melakukan kesalahan di bawah Peraturan 18 (1), PPKB (pindaan) 2021 Akta Kawalan Bekalan 1961.

"Kesalahan itu melibatkan mana-mana orang yang menjalankan apa-apa perdagangan atau perniagaan menggunakan

atau mengambil mana-mana barang berjadual (bahan api diesel melebihi 20 liter)," katanya pada sidang akhbar di sini semalam.

Menurut Mark, hasil siasatan awal mendapati, kedua-dua suspek yang merupakan warga tempatan dan tidak mempunyai pekerjaan tetap itu cuba membawa minyak berkenaan ke negeri lain.

Katanya, kesemua nilai sitaan dalam kes ini dianggarkan berjumlah RM59,000 dan pesalah boleh didenda sehingga RM1 juta bagi individu atau penjara tidak melebihi tiga tahun atau kedua-duanya sekali.

Kuala Selangor: Dapatkan bantuan pegawai Suruhanjaya Pencegahan Rasuah Malaysia (SPRM) bagi membongkar kegiatan penyelewengan diesel subsidi.

Itu tindakan Kementerian Perdagangan Dalam Negeri dan Hal Ehwal Pengguna (KPDNHEP) yang berjaya mematahkan aktiviti penyelewengan diesel, menerusi tiga serbuan berasingan di daerah ini sejak 28 Julai lalu.

Ketua Pengarah Penguat Kuasa KPDNHEP, Azman Adam, berkata, tiga serbuan dilakukan dengan bantuan SPRM itu membabitkan rampasan barang kawalan subsidi diesel di Kuala Selangor.

"Dalam serbuan 28 Julai lalu, dua premis diserbu membabitkan syarikat lombong pasir, Kuala Selangor dan sebuah stesen minyak di Jalan Rawang, Bestari Jaya.

"Hasil serbuan dan pemeriksaan di premis diserbu mendapati wujud urus niaga jual beli diesel subsidi antara pemilik stesen minyak dan pemandu lori pasir.

Penguat kuasa KPDNHEP bawa pegawai SPRM buat serbuan



ANTARA kenderaan dirampas KPDNHEP dan SPRM dalam tiga serbuan berasingan di Kuala Selangor.

"Diesel subsidi yang dibeli pemandu lori pasir itu di kesan dibawa dan disorokkan di dalam tangki khas di kawasan lombong pasir," katanya semalam.

Azman berkata, menerusi serbuan pertama di kawasan lombong pasir, dua pemandu lori dan seorang penyelia ditahan bagi siasatan

lanjut.

"Semua mereka disiasat mengikut Seksyen 8 Akta Kawalan Bekalan (AKB) 1961. Tindakan sitaan dilaksanakan di kawasan lombong pasir membabitkan dua treler, tiga unit tangki dan resit pembelian minyak diesel.

"Anggaran jumlah mi-

nyak diesel yang disita di lokasi pertama adalah sejumlah 20,400 liter dengan nilai rampasan dianggarkan berjumlah RM 162,500," katanya.

Beliau berkata, dalam serbuan kedua di stesen minyak pada 29 Julai, pihaknya merampas diesel subsidi berjumlah 15,000 liter.